

LA CONTA DI RAT FÉNIS (MATTIA NICOLETTA)



Padze 1

En pa'en dérot la CLEENDA, in RAT y at éguèro-se la PI.

Padze 2

Lo rat i vat 'en di COLDAGNÌ é llu dic :

« Coldagnì, pé pliric, rémenda-mè la pi qué dz'é éguro-me en pa'en dérò la cllenda ! ».

« Traca'a-tè po ! » Illu répón lo coldagnì « Ma pé lo fa mè dz'é bezouèn di 'ÈYE di gadén ».

Padze 3

Lo rat i vat avoué lo GADÉN é llu dic :

« Gadén, pé pliric, bailla-mè tchécca de 'èye pé lo coldagnì ! ».

« Traca'a-tè po ! » Illu répón lo gadén « Ma pé lo fa mè dz'é bezouèn de FAEUNNA » .

Padze 4

Lo rat i vat avoué lo MOULUNÌ é llu dic :

« Moulunì, pé pliric, bailla-mè tchécca dé faeunna pé lo gadén! ».

« Traca'a-tè po » Illu répón lo gadén « Ma pé lo fa mè dz'é bezouèn di GRAN ».

Padze 5

Lo rat i vat avoué lo TSAN é llu dic :

« Tsan, pé pliric, bailla-mè tchécca dé gran pé lo moulunì ! ».

« Traca'a-tè po » Illu répón lo tsan « Ma pé lou fa mè dz'é bezouèn di FÉMÌ ».

Padze 6

Lo rat i vat avoué la VATSE é llu dic :

« Vatse, pé pliric, bailla-mè tchécca dé femì pé lo tsan ! ».

« Traca'a-tè po » Illu répón la vatse « Ma pé lo fa mè dz'é bezouèn di FEN ».

Padze 7

Lo rat i vat avoué lo PRO é llu dic :

« Pro, pé pliric, bailla-mè tchécca dé fen pé la vatse ! ».

« Traca'a-tè po » Illu répón lo pro « Ma pé lo fa mè dz'é bezouèn dé l'ÈVE ».

Padze 8

É lo rat i vat avoué lo RUC é llu dic :

« Ruc, pé pliric, bailla-mè tchécca d'éve pé lo pro ! ».

Padze 9

Adòn lo RUC i baille l'ÉVE i RAT qué la polte i PRO ;
é lo PRO llu baille lo FEN qué lo rat i polte a la VATSE ;
é la VATSE llu baille lo FÉMÌ qué lo rat i polte i TSAN ;
é lo TSAN llu baille lo GRAN qué lo rat i polte i MOULUNÌ ;
é lo MOULUNÌ llu baille la FAEUNNA qué lo rat i polte i GADÉN ;
é lo GADÉN llu baille lé 'ÈYE qué lo rat i polte i COLDAGNÌ ;
é lo COLDAGNÌ llu rème de la PI qué lo RAT y at éguro-se en pa'èn dérò la CLEENDA !